



საქართველოს
საღაზღვევო ჯგუფი

ქონების დაზღვევის პირობები

1. ზოგადი დებულებები

- 1.1. ამ წესებისა და საქართველოს კანონმდებლობის საფუძველზე სს „საქართველოს სადაზღვევო ჯგუფი“ (შემდგომში ”მზღვეველი“), დებს ხელშეკრულებებს ფიზიკური და იურიდიული პირების (შემდგომში ”დამზღვევი“) ქონების დაზღვევის შესახებ.
- 1.2. ნებისმიერი დოკუმენტი (დანართი) რომელიც თან ერთვის წინამდებარე დოკუმენტს და ხელმოწერილია მხარეთა მიერ, ჩაითვლება ამ წესების განუყოფელ ნაწილად.

2. გამოყენებული ტერმინების განმარტებები

მზღვეველი – სს „საქართველოს სადაზღვევო ჯგუფი“

დამზღვევი – ფიზიკური ან იურიდიული პირი, რომელიც წინამდებარე წესების შესაბამისად დაზღვევს ქონებას და იხდის სადაზღვევო პრემიას

მოსარგებლე – დამზღვევის მიერ დასახელებული და სადაზღვევო პოლისში დაფიქსირებული პირი, რომელიც უფლებამოსილია სადაზღვევო ანაზღაურების მიღებაზე წინამდებარე წესების საფუძველზე.

დაზღვევის მოქმედების პერიოდში დამზღვევი უფლებამოსილია შეცვალოს დასახელებული მოსარგებლე სადაზღვევო შემთხვევის დადგომამდე

სადაზღვევო პოლისი – მზღვეველის მიერ გაცემული დაზღვევის ხელშეკრულების დამადასტურებელი საბუთი.

სადაზღვევო შემთხვევა – მოვლენა, რომლის დადგომისას წარმოიშობა მზღვეველის პასუხისმგებლობა გადაუხადოს დამზღვევის/მოსარგებლეს სადაზღვევო ანაზღაურების თანხა.

სადაზღვევო რისკი – მოვლენა, რომელმაც შეიძლება გამოიწვიოს სადაზღვევო შემთხვევა.

სადაზღვევო პრემია – თანხა, რომელიც წარმოადგენს დაზღვევის საფასურს.

დაზღვევის პერიოდი – დაზღვევის მოქმედების პერიოდი, რომელიც მითითებულია სადაზღვევო პოლისში.

სადაზღვევო თანხა – სადაზღვევო პოლისში მითითებული თანხა, რომელიც წარმოადგენს მზღვეველის პასუხისმგებლობის მაქსიმალურ ოდენობას.

სადაზღვევო თანხის კორექტულად წარმოდგენის პასუხისმგებლობა ეკისრება დამზღვევს.

ფრანშიზა – ზარალის ნაწილი, რომელსაც მზღვეველი არ აანაზღაურებს.

ფრანშიზის ოდენობა შეიძლება განისაზღვროს როგორც დაზღვეული ქონებისათვის მთლიანად, ისე თითოეული დაზღვეული ობიექტისათვის და/ან კონკრეტული სადაზღვევო შემთხვევისათვის და მითითება სადაზღვევო პოლისში.

პირობითი (დაუქვითავი) ფრანშიზის შემთხვევაში მზღვეველი არ არის პასუხისმგებელი ზარალზე, რომლის ოდენობა არ აღემატება ფრანშიზას, მაგრამ მზღვეველი აანაზღაურებს ზარალს მთლიანად, თუ მისი ოდენობა გადააჭარბებს ფრანშიზას.

უპირობო (დასაქვითი) ფრანშიზის შემთხვევაში ყოველი ზარალი ანაზღაურდება ფრანშიზის თანხის გამოკლებით.

მოქმედების არეალი – სადაზღვევო პოლისში მითითებული ტერიტორიული ფარგლები და/ან მისამართი, სადაც განთავსებულია დაზღვეული ქონება.

დაზღვევა არ ვრცელდება იმ ქონებაზე, რომელიც ტოვებს დაზღვევის მოქმედების არეალს, თუ კონკრეტული ხელშეკრულებით სხვა რამ არის გათვალისწინებული.

პრეტენზია/სარჩელი – დამზღვევის მიერ მზღვეველისათვის გაკეთებული წერილობითი შეტყობინება სადაზღვევო შემთხვევის დადგომისა და სადაზღვევო ანაზღაურების მოთხოვნის შესახებ.

ზარალის აქტი – დოკუმენტი, რომელიც ადასტურებს მზღვეველის მიერ სადაზღვევო შემთხვევის აღიარებას და წარმოადგენს სადაზღვევო ანაზღაურების გაცემის საფუძველს.

3. დაზღვევის ობიექტი

3.1. დაზღვევას ექვემდებარება დამზღვევის კუთვნილი/კანონიერ სარგებლობაში არსებული ქონება, რომელიც იმყოფება (მდებარეობს) დაზღვევის ხელშეკრულებაში მითითებულ მისამართზე, თუ სხვა რამ არის გათვალისწინებული ხელშეკრულების განსაკუთრებული პირობებით.

3.2. წინამდებარე წესების საფუძველზე დაზღვევის ობიექტს წარმოადგენს დამზღვევის საკუთრებაში ან კანონიერ სარგებლობაში არსებული უძრავი და მოძრავი ქონება: შენობა-ნაგებობები (საცხოვრებელი, სააგარაკო, სამეურნეო ნაგებობი, საწარმოო, ადმინისტრაციული, სოციალურ-კულტურული დანიშნულების შენობა-ნაგებობები), საცხოვრებელი ფართი მრავალბინიან შენობებში მათი განუყოფელი კონსტრუქციული ელემენტების ჩათვლით (იგულისხმება ნებისმიერი სახის წყალგაყვანილობის, გაზგაყვანილობის, ელექტროსისტემები და სხვა), ინვენტარი (ავეჯი, საყოფაცხოვრებო ელექტრო მოწყობილობები, ელ.ტექნიკა, კომპიუტერები, აპარატურა), საკომუნიკაციო მოწყობილობები (სისტემები, აპარატები), საწარმოო და ტექნოლოგიური ხაზები, მანქანა-დანადგარები (ჩარხები, საწარმოო-ტექნიკური დანიშნულების მექანიზმები და მოწყობილობები), პროდუქცია, სასაქონლო მარაგები და სხვა მატერიალური ნივთები, რაზედაც საჭიროა მხარეთა დამატებითი შეთანხმება.

დამზღვევი:-----

3.3. თუ კონკრეტული ხელშეკრულებით სხვა რამ არ არის გათვალისწინებული, დაზღვევას არ ექვემდებარება: ნაღდი ფული, მონეტები, ობლიგაციები და სხვა ფასიანი ქაღალდები, ხელნაწერები, ნახაზები, სხვა დოკუმენტები, ბუღალტრული და საქმიანი წიგნები, მოდელები, მაკეტები, ნიმუშები, ძვირფასი ლითონები და მათი ნაწარმი, ნახატები, მარკები, სურათები, ძეგლები ან სხვა სახის კოლექციები, ხელოვნების ნიმუშები, ანტიკვარიატი, სავაჭრო ავტომატები, ფულის გადამცვლელები და მათი შიგთავსი, კომპიუტერისა და სხვა სახის ანალოგიურ სისტემებში არსებული ტექნიკური საინფორმაციო საშუალებები (მაგნიტური ბლოკი, მაგნიტური ფირი, საინფორმაციო ბლოკი და ინფორმაციის სხვა მატარებლები), ასაფეთქებელი ნივთიერებები, ელექტრო გადამცემი და გამანაწილებელი ხაზები, ავტობიოქიმიური ობიექტები (ქიმიური და ნავთობგადამამუშავებელი ქარხნები), შახტები, ცხოველები, ფრინველები, სატრანსპორტო საშუალებები (გარდა იმ შემთხვევისა, როდესაც სატრანსპორტო საშუალება ეზღვევა, როგორც ქონება ავტო-მაღაზიაში ან დაკეტილ სადგომში), ნარგავები, მარცვლოვანი კულტურები, შესანახად მიზარებული ქონება.

წინამდებარე პუნქტში ჩამოთვლილი ქონების დაზღვევა შესაძლებელია მხოლოდ მხარეთა შეთანხმებით, სპეციალურად განსაზღვრული პირობებით.

4. სადაზღვევო რისკები. სადაზღვევო შემთხვევა

4.1. წინამდებარე წესებით იფარება შემდეგი რისკები:

4.1.1. ხანძარი, აფეთქება, მეხის დაცემა, საფრენი აპარატის ან მისი ნაწილის ჩამოვარდნა დაზღვეულ ობიექტზე.

ხანძარი – ცეცხლით წვის არაკონტროლირებადი პროცესი, რომელიც დამოუკიდებლად ვრცელდება მას შემდეგ, რაც გაჩნდა ცეცხლის კერიდან განსხვავებულადგილას ან თვითნებურად გასცდა ამ ადგილს.

ამ წესებით, დაზღვევით არ დაიფარება ზარალი, რომელიც წარმოიქმნება დაზღვეული ქონების ცეცხლით დამუშავებისას, სითბური ან სხვაგვარი თერმული ზემოქმედების შედეგად, ქონების ბუნებრივი თვისებებიდან გამომდინარე თვითაალების შედეგად.

აფეთქება – აირის ან ორთქლის წნევის ძალის უეცარი დამანგრეველი გამოვლინება, არამდგრადი სისტემის სწრაფი ქიმიური რეაქცია, რასაც მოყვება ობიექტის გარე კედლების რღვევა/დაშლა.

რეზერვუარის (საქვაბის, მილსადენის და ა.შ) აფეთქებად ითვლება მხოლოდ მოვლენა, რომლის დროსაც რეზერვუარის კედლები აღმოჩენდება იმდენად დაზიანებული, რომ გამოიწვევს შიდა და გარე წნევის გათანაბრებას. თუ აფეთქება მოხდება რეზერვუარის შიგნით, სწრაფი ქიმიური რეაქციის გამო, ზარალი ანაზღაურდება რეზერვუარის კედლების დაურღვევლობის შემთხვევაშიც.

ამ წესებით, დაზღვევით არ იფარება ზარალი, რომელიც გამოწვეულია რეზერვუარში არსებული ვაკუუმით, ან გაიშვიათებული გაზით.

ამ წესებით, დაზღვევით არ იფარება ზარალი, რომელიც მიყენებულია შიდა წვაზე მომუშავე მანქანა-დანადგარების მექანიზმების წვის კამერებში მომხდარი აფეთქებით.

ამ პირობით დაზღვევით არ იფარება ზარალი, რომელიც გამოწვეულია ელექტრო და გაზგამანაწილებელ მოწყობილობაში გაზის წნევის ცვლილებით.

4.1.2. სტიქიური უბედურებები – მიწისძვრა, ქარიშხალი, გრიგალი, სეტყვა, შტორმი, მეწყერი, წყალდიდობა, მდინარეების ადიდება, უხვთოვლიანობა, კოკისპირული წვიმა, ქვისცვენა, ზვავი

4.1.3. წყლით დაზიანება – წყალსადენების, გასათბობი, ხანძარსაწინააღმდეგო, საკანალიზაციო სისტემების უეცრად მწყობრიდან გამოსვლა; წყლის შემოჭრა მეზობელი სადგომებიდან, მიწისქვეშა წყლების გამოსვლა

4.1.4. მესამეპირების მიერ მიყენებული ზარალი – ქურდობა, მარცვა, ყაჩაღობა, ვანდალიზმი

ამ წესებით, დაზღვევა ფარავს დაზღვეულ შენობა-ნაგებობაში ქურდობის მხოლოდ ისეთ სახეს, რომელიც ჩადენილია კარის, კარიბჭის ან მისი საკეტის გატეხვით, კედლის/ღობის განგრევით, ფანჯრის გატეხვით ან ცხაურების დაზიანებით.

ამ პირობით დაზღვევით არ იფარება ეზოში ან ღია ცის ქვეშ მდებარე/დატოვებული ნებისმიერი დაზღვეული ქონებისათვის მიყენებული ზარალი.

მხარეთა დამატებითი შეთანხმებით, დაზღვევა შეიძლება გავრცელდეს ქვემოთ ჩამოთვლილ რისკებზე:

4.1.5. სატრანსპორტო საშუალებების შეჯახება – ნებისმიერი სახის სატრანსპორტო საშუალების შეჯახება დაზღვეულ ქონებაზე, ან სატრანსპორტო საშუალებებიდან გადმოვარდნილი ობიექტებით მიყენებული ზარალი.

ამ წესებით, დაზღვევით არ იფარება ზარალი, რომელიც გამოწვეულია დამზღვევის (დაზღვეულის, მოსარგებლის), მისი წარმომადგენლის, თანამშრომლის ან ოჯახის წევრების მიერ სატრანსპორტო საშუალებების მართვისას.

4.1.6. მინების მსხვერვა – დაზღვეულ შენობა-ნაგებობაში მუდმივად ჩასმული მინების, ვიტრინების დაზიანება ან განადგურება.

ამ წესებით, დაზღვევით არ იფარება რემონტის მსვლელობის დროს, დამატებითი დეტალების დამონტაჟებისას, ჩარჩოს გამოცვლის ან შეკეთებისას მინების, ვიტრინების დაზიანება.

ამ წესებით, დაზღვევით არ იფარება მინებისა და ვიტრინების დაზიანება ჩარჩოს გაფუჭების ან დეფორმაციის გამო. ამ პირობით არ იფარება სარკეების, მინის ჭურჭლის, გასანათებელი მოწყობილობების დაზიანება.

მზღვეველის მიერ არ ანაზღაურდება მინებისა და ვიტრინების მოცვლის ხარჯები.

დამზღვევი:-----

4.2. წინამდებარე წესებით სადაზღვევო შემთხვევად განიხილება დაზღვევის მოქმედების პერიოდში მომხდარი მოვლენა რომლის საფუძველზეც წარმოიშვება მზღვეველის პასუხისმგებლობა გადაუხადოს მოსარგებლეს სადაზღვევო ანაზღაურება.

სადაზღვევო შემთხვევად განიხილება მხოლოდ დაზღვეული რისკების შედეგად დაზღვეული ქონებისათვის მიყენებული ზარალი.

4.3. დამზღვევი უფლებამოსილია საკუთარი სურვილით აირჩიოს დაზღვეული რისკების ნებისმიერი კომბინაცია.

5. ძირითადი გამონაკლისები

5.1. სადაზღვევო შემთხვევად არ ჩაითვლება და არ ანაზღაურდება ზარალი გამოწვეული შემდეგი გარემოებებით:

5.1.1. ნებისმიერი სახის საომარი მოქმედებები (მიუხედავად იმისა, გამოცხადებულია თუ არა საომარი მდგომარეობა), სამოქალაქო მღელვარება, ამბოხება, შეიარაღებული კონფლიქტი, გაფიცვა, სამხედრო გადატრიალება, რევოლუცია, კონფისკაცია, დაპატიმრება/დაყადაღება, სამხედრო ან სამოქალაქო ხელისუფლების განკარგულებით ქონების დაზიანება ან განადგურება, ტერორისტული აქტი, პოლიტიკური მოტივით მოქმედი ნებისმიერი პირის ან პირთა ჯგუფის ქმედებები.

5.1.2. გარემოს დაზინძურება, იონიზირებული რადიაცია, თერმობირთვული საწვავის ან ნებისმიერი ბირთვული ნარჩენებით განპირობებული ზარალი, რადიოაქტიური დაზინძურება

5.1.3. დამზღვევის ან მოსარგებლის მიერ მართლსაწინააღმდეგო ქმედების ჩადენა, რომელიც პირდაპირ ან ირიბ მიზეზობრივ კავშირშია სადაზღვევო შემთხვევასთან.

5.1.4. დამზღვევის ან მოსარგებლის გამოწვეული ქმედება, რომელიც პირდაპირ ან ირიბად მიმართული იყო სადაზღვევი შემთხვევის დადგომის გამოსაწვევად.

5.1.5. დამზღვევის მიერ მზღვეველისათვის დასაზღვევი ქონების შესახებ მცდარი (არასრული) ინფორმაციის მიწოდებით ან ინფორმაციის დამალვით.

5.1.6. დაზღვეული ქონების დეფექტები და ნაკლოვანებები, რომელიც დამზღვევისათვის ცნობილი იყო დაზღვევის ხელშეკრულების დადებამდე.

5.1.7. მზღვეველთან წინასწარი შეთანხმების გარეშე დაზღვეული ქონების ქირავნობის ან იჯარის ხელშეკრულებით, აგრეთვე სასწავლო, კლევითი ან სპორტული მიზნებით გამოყენების შედეგად.

5.1.8. არ არსებობს სადაზღვევო შემთხვევის დადგომის დამადასტურებელი ოფიციალური დოკუმენტები;

5.1.9. დაზღვეული ქონების გასხვისებისას, თუ გასხვისების შესახებ მზღვეველს არ მიუღია შეტყობინება დაუყოვნებლივ/გასხვისებისთანავე (საჯარო რეესტრში შესაბამისი განაცხადის წარდგენისთანავე), ხოლო სადაზღვევო შემთხვევა დადგა მზღვეველის მიერ გასხვისების შესახებ შეტყობინების მიღებამდე.

5.1.10. თუ აღმოჩნდება, რომ დაზღვეული ქონება მზღვეველთან წინასწარი შეთანხმების გარეშე დაზღვეულია სხვა სადაზღვევო კომპანიაშიც.

5.1.11. ხელშეკრულებით გათვალისწინებული დაზღვევის საგანი არ შეიძლება იყოს, ანუ დაზღვევას არ ექვემდებარება და დაზღვევით არ იფარება ისეთი საქონელი, რომელიც მარაგის, პროდუქციის სახით არის დასაწყობებული მათი შექმნიდან 1 (ერთ) წელზე მეტი ვადით, თუ საწინააღმდეგო საგანგებოდ არ არის დათქმული შესაბამის სადაზღვევო პოლისში.

5.1.12. დაზღვევა არ ვრცელდება სადაზღვევო შემთხვევის დადგომით გამოწვეულ მიუღებელ სარგებელზე, თუ ეს გათვალისწინებული არ არის დამატებითი შეთანხმებით.

5.1.13. კონფისკაცია, რეკვიზიცია, დაპატიმრება ან სახელმწიფო ორგანოების ბრძანებით დაზღვეული ქონების განადგურება.

5.1.14. დაზღვეული ქონების დაზიანება, რომელიც გამოწვეული იქნება ბუნებრივი პროცესების შედეგად, კერძოდ: საყოფაცხოვრებო ტექნიკის ამორტიზაცია, ცვეთა, მიმდინარე რემონტის ხარჯები, კოროზია, ეროზია, ჟანგვა, ნალექების დაგროვება, დანესტიანება;

5.1.15. მშენებლობების, ნაგებობების ან მათი ნაწილის, ასევე მათში არსებული ქონების ან მათი ნაწილის ნგრევა ან დაზიანება, თუ ეს არ იქნება გამოწვეული სადაზღვევო რისკით;

5.1.16. ზარალი, რომელიც გამოიწვია შინაურმა ცხოველებმა/ფრინველებმა, ქვეწარმავლებმა, მწერებმა, მღრღნელებმა ან სხვა მავნებლებმა ან დადგა შემდგომში, მათი ზემოქმედების შედეგად;

5.1.17. ზარალი გამოწვეული დამზღვევის, მისი წარმომადგენლის, ოჯახის წევრის ან მასთან ერთად მცხოვრები პირის პროფესიული საქმიანობით;

5.1.18. ზარალი ან დაზიანება გამოწვეული ნარკოტიკული/ფსიქოტროპული/ალკოჰოლური ნივთიერებათა ზემოქმედების ქვეშ მყოფი დამზღვევის, მისი წარმომადგენლის, ოჯახის წევრის ან მასთან ერთად მცხოვრები პირის ქმედებით;

5.1.19. ზარალი ან დაზიანება, გამოწვეული დამზღვევის (მოსარგებლის), დამზღვევის ოჯახის წევრების, ასევე პირების, რომლებიც ცხოვრობენ დაზღვეულ ნაგებობაში განზრახ ან უხეში გაუფრთხილებლობით

დამზღვევი:-----

დაზღვეული ქონების მიმართ, რაც გამოიხატება შემდეგში: მათ მიერ დაზღვეული ქონების გამოყენება სხვა მიზნით (ვიდრე მითითებულია სადაზღვევო პოლისში) და/ან დადგენილი კანონის ან სხვა ნორმატიული აქტის და სახანძრო უსაფრთხოების, სამუშაოების უსაფრთხო ჩატარების, სამშენებლო ნორმების, წესების და ინსტრუქციების დარღვევა ექსპლუატაციის რეგლამენტების, ელექტრო/გაზის ხელსაწყოების, გასათბობი მოწყობილობების შენახვის პირობების დარღვევა, ასევე დაზღვეული ქონების გამოყენება სხვა მიზნით და ა.შ;

5.1.20. ინფორმაციის (მაგ: კომპიუტერის მყარ დისკზე არსებული ინფორმაცია და სხვ.) აღდგენის ხარჯები;

5.1.21. საყოფაცხოვრებო ტექნიკის მწარმოებლის დეფექტები ან მომწოდებლის მიერ გაცემული გარანტიით დაფარული ხარჯები;

5.1.22. ნებისმიერი ზარალი პირდაპირი ან არაპირდაპირი გზით გამოწვეული აზბესტით ან აზბესტის შემცველობით ან აზბესტის ნებისმიერი ფორმით ან რაოდენობით შემცველი ნებისმიერი მასალით სილიციუმით გამოწვეული ზარალი (მინერალური სილიკონის დიოქსიდი, სილიციუმის შემცველი ნებისმიერი პროდუქტი, საქონელი, ბოჭკოები, მტვერი, გაზები, სუნი და ა.შ.); არალიცენზირებული, შეუმოწმებელი ტექნოლოგიით გამოწვეული ზარალი; ელექტრონული და კომპიუტერული დანაშაულით გამოწვეული ზარალი; დაუდევრობით, გაუფრთხილებლობით ან გაფლანგვით გამოწვეული ზარალი.

5.1.23. ხელოვნურად გამოწვეული მიწის მოძრაობებით გამოწვეული ზარალი (მაგალითად ხელოვნურად, ადამიანის ჩარევით გამოწვეული მეწყერი); ინფორმაციული ტექნოლოგიების საფრთხეების შედეგად გამოწვეული ზარალი მაგალითად: კომპიუტერული სისტემის, ტექნიკის, აპარატურის, პროგრამის, პროგრამული უზრუნველყოფის, მონაცემების, ინფორმაციის საცავის, მიკროჩიპის, ინტეგრირებული მიკროსქემის ან მსგავსი მოწყობილობის დაკარგვით, შეცვლით ან დაზიანებით გამოწვეული ზარალი გარდა იმ შემთხვევებისა როდესაც ზარალი გამოწვეულია შემდეგი საფრთხეებით: ხანძარი, ელვა, აფეთქება, თვითმფრინავის ან ავტომობილების ზემოქმედება, ობიექტების დაცემა, ქარბუქი, სეტყვა, ტორნადო, ციკლონი, ქარიშხალი, მიწისძვრა, ვულკანი, ცუნამი, წყალდიდობა, გაყინვა ან თოვლი.

5.1.24. კანონმდებლობით ან/და ამ პირობებით განსაზღვრულ სხვა შემთხვევებში.

6. სადაზღვევო თანხა. სადაზღვევო პრემია.

6.1. სადაზღვევო თანხა არის სადაზღვევო პოლისში დაფიქსირებული დაზღვეული ქონების ღირებულება და წარმოადგენს მზღვეველის პასუხისმგებლობის მაქსიმალურ ოდენობას.

სადაზღვევო თანხა წარმოადგენს სადაზღვევო პრემიის (შესატანის) და სადაზღვევო ანაზღაურების ოდენობის განსაზღვრის საფუძველს.

6.2. სადაზღვევო თანხის დადგენა ხდება მხარეების შეთანხმებით. ნებისმიერ შემთხვევაში, სადაზღვევო თანხა არ შეიძლება აღემატებოდეს დასაზღვევი ქონების აღდგენით/ჩანაცვლებით ღირებულებას დაზღვევის ხელშეკრულების დადების თარიღისათვის. სადაზღვევო თანხა არ შეიძლება წარმოადგენდეს დამზღვევის უსაფუძვლო გამდიდრების წყაროს.

მხარეებს არ შეუძლიათ იდავონ დაზღვევის ხელშეკრულების დადებისას დადგენილი სადაზღვევო ღირებულების თაობაზე, გარდა, იმ შემთხვევისა, როდესაც მზღვეველი დაამტკიცებს დამზღვევის მიერ მის განზრახ შეცდომაში შეყვანას.

სადაზღვევო თანხის განსაზღვრა ხდება თითოეული დაზღვეული ობიექტისათვის ცალ-ცალკე ან ყველა ობიექტისათვის ჯამურად.

6.3. სადაზღვევო პრემიის (შესატანის) გამოთვლა ხდება სადაზღვევო თანხის გამრავლებით შესაბამის ტარიფზე. სადაზღვევო ტარიფის განსაზღვრა ხდება მზღვეველის მიერ, კონკრეტული დასაზღვევი ობიექტის ტიპის, სპეციფიკაციის, რისკის ხარისხის მაჩვენებლების და სხვა გარემოებების გათვალისწინებით.

ერთ წელიწადზე ნაკლები ვადით დაზღვევის შემთხვევაში, სადაზღვევო პრემიის (შესატანის) ოდენობა გამოითვლება მოკლევადიანობის კოეფიციენტის გამოყენებით, კერძოდ, სტანდარტულ შემთხვევებში 1/8-ით.

6.4. სადაზღვევო პრემიის (შესატანის) გადახდის წესი და პირობები განისაზღვრება მხარეთა მიერ და ფიქსირდება სადაზღვევო პოლისში.

ნებისმიერ შემთხვევაში, დამზღვევის მიერ სადაზღვევო პრემიის პირველი შესატანის ან ერთჯერადი სადაზღვევო პრემიის შესატანის დროულად გადახდამდე მზღვეველი თავისუფალია თავისი მოვალეობისაგან.

6.5. დამზღვევის მიერ სადაზღვევო პრემიის (შესატანი) ან მისი ნაწილის გადაუხდელობის შემთხვევაში, დაზღვევა შეჩერებულ იქნება ვადის გადაცილებიდან 2 (ორი) კვირის გასვლის შემდეგ, მზღვეველის შეტყობინების (წერილობით, ელექტრონული/ციფრული საშუალებით, მოკლე ტექსტური შეტყობინებით და სხვა) საფუძველზე. იმ შემთხვევაში თუ სადაზღვევო შემთხვევა მოხდება ამ ორ კვირიანი ვადის გასვლის შემდეგ, მაშინ მზღვეველი თავისუფლდება ნაკისრი ვალდებულებების შესრულებისაგან.

6.6. ორკვირიანი ვადის უშედგომოდ გასვლის შემდეგ ერთთვიანი ვადის დაცვით დაზღვევის ხელშეკრულება შეწყდება, ხოლო სადაზღვევო პოლისი გაუქმდება.

დამზღვევი:-----

ხელშეკრულების შეწყვეტამდე/სადაზღვევო პოლისის გაუქმებამდე სადაზღვევო პრემიის (შესატანი) (ნაწილის) გადახდის შემდგომ დაზღვევა განახლება გადახდის დღის მომდევნო დღის 24 საათზე.

7. სადაზღვევო ანაზღაურება

7.1. სადაზღვევო შემთხვევის დადგომისას მზღვეველის მიერ სადაზღვევო ანაზღაურების გადახდა ხდება მოსარგებლისათვის ამ წესების/დაზღვევის ხელშეკრულების შესაბამისად.

7.2. ამ წესებით, ზარალად ითვლება მატერიალური ზარალი, რომელიც მიაღწა დაზღვეულ ქონებას სადაზღვევო შემთხვევის დადგომის გამო.

7.3. სადაზღვევო ანაზღაურების ოდენობა შეესაბამება რეალური ზარალის ოდენობას, სადაზღვევო პოლისითა და ხელშეკრულებით განსაზღვრული სადაზღვევო თანხის ფარგლებში.

არცერთ შემთხვევაში სადაზღვევო ანაზღაურება არ შეიძლება აღმატებოდეს სადაზღვევო თანხას, სადაზღვევო შემთხვევათა სიმრავლისა და სიდიდის მიუხედავად.

7.4. სადაზღვევო ანაზღაურების ოდენობის განსაზღვრის საფუძველია:

7.4.1. ქონების დაზიანების შემთხვევაში – ქონების დაზიანებული ნაწილის შეკეთების/აღდგენის ღირებულება ფრანშიზის გათვალისწინებით.

7.4.2. ქონების გატაცების შემთხვევაში – სადაზღვევო პოლისის გაცემის დღისათვის მისი რეალური (საბაზრო) ღირებულება ცვეთისა და ფრანშიზის გათვალისწინებით.

7.4.3. ქონების განადგურების შემთხვევაში – სადაზღვევო პოლისის გაცემის დღისათვის მისი რეალური (საბაზრო) ღირებულება, ცვეთისა და ფრანშიზის გათვალისწინებით და შემდგომი გამოყენებისათვის ვარგისი (საღი) ნარჩენების ღირებულების გამოკლებით.

7.5. **პროპორციული ანაზღაურების პირობა:** თუ ზარალის დადგომის მომენტისათვის აღმოჩნდება, რომ სადაზღვევო პოლისში მითითებული სადაზღვევო თანხა ნაკლებია დაზღვეული ქონების რეალურ/აღდგენით ღირებულებაზე, სადაზღვევო ანაზღაურების თანხა შემცირდება იმ პროპორციით, რა პროპორციაც არის სადაზღვევო თანხასა და რეალურ/აღდგენით ღირებულებას შორის.

ეს პირობა ეხება ასევე ნებისმიერ ცალკეულ დაზღვეულ ობიექტსაც.

7.6. შეკეთების/აღდგენის ხარჯები გულისხმობს:

ა) შეკეთების/აღდგენისათვის აუცილებელი მასალებისა და სათადარიგო ნაწილების რეალურ ღირებულებას.

ბ) შესაკეთებლად/აღსადგენად გასაწევი სამუშაოების ხარჯებს.

არცერთ შემთხვევაში სადაზღვევო ანაზღაურება არ მოიცავს ქონების დაზღვევამდე არსებული მდგომარეობის გაუმჯობესების ხარჯებს.

7.7. ქონების შეკეთების/აღდგენის ხარჯებში არ ჩაითვლება:

ა) ქონების ტექნიკური მომსახურებისა და საგარანტიო შეკეთების ღირებულება;

ბ) ქონების რეკონსტრუქციის, რემონტის (თუ რემონტის აუცილებლობა გამოწვეული არ არის სადაზღვევო შემთხვევით) ხარჯები. ასევე, ცალკეული ობიექტების, ნაწილების, დეტალების გაცვეთის, ტექნიკური წუნის, ამორტიზაციის გამო აუცილებელი ხარჯები.

გ) ამა თუ იმ ნაწილების, დეტალების და მოწყობილობების შეცვლის (მათი შეკეთების ნაცვლად) სამუშაოების ღირებულება, რაც გამოწვეული იყო სარემონტო სამუშაოებში მათი შეკეთებისათვის აუცილებელი ცალკეული სათადარიგო ნაწილების და დეტალების არქონით.

7.8. სადაზღვევო ანაზღაურების გაანგარიშებაში ქონების დაზიანებული ნაწილების, ცალკეული დეტალების და მოწყობილობების შეცვლის ღირებულება ჯდება მხოლოდ იმ შემთხვევაში, თუ ამ ობიექტების შემდგომი გამოყენებისათვის ვარგისი მდგომარეობაში მოსაყვანად შეკეთება შეუძლებელია.

7.9. ზარალის თანხის დადგენა ხდება მზღვეველის მიერ.

ერთერთი მხარის მოთხოვნით, ზარალის ოდენობის დადგენა შეიძლება მოხდეს დამოუკიდებელი ექსპერტის მიერ. ამ შემთხვევაში, ექსპერტის მომსახურების ხარჯებს საკუთარ თავზე აიღებს მისი მომწვევი მხარე.

7.10. დაზიანებული ქონების შეკეთების/აღდგენის პროცესში გამოვლენილი ფარული დეფექტების აღმოფხვრის ხარჯები შევა სადაზღვევო ანაზღაურების თანხაში შემდეგ შემთხვევაში:

ა) თუ დამზღვევი დამატებით მიმართავს მზღვეველს ამ ხარჯების ანაზღაურების მოთხოვნით შეკეთების პროცესის დასრულებამდე

ბ) თუ აღმოჩენილი ფარული დეფექტები გამოწვეულია სადაზღვევო შემთხვევის დადგომის პირდაპირი ან ირიბი შედეგებით.

7.11. სადაზღვევო ანაზღაურების გაცემის საფუძველია მზღვეველის მიერ შედგენილი ზარალის აქტი. წინამდებარე წესების საფუძველზე მზღვეველი იღებს ვალდებულებას შეადგინოს ზარალის აქტი ან გასცეს მოტივირებული წერილობითი უარი სადაზღვევო ანაზღაურების გადახდაზე დამზღვევის/მოსარგებლის მიერ ყველა აუცილებელი დოკუმენტის წარდგენიდან 15 საბანკო დღის ვადაში.

7.12. სადაზღვევო ანაზღაურების გადახდა ხდება მზღვეველის მიერ ზარალის აქტის ხელმოწერიდან არაუგვიანეს 30 საბანკო დღისა.

7.13. სადაზღვევო ანაზღაურების მისაღებად დამზღვევემა/მოსარგებლემ უნდა წარუდგინოს მზღვეველს:

დამზღვევი:-----

ა) კომპეტენტური სახელმწიფო ორგანოს/ორგანოების (სახანძრო სამსახურის, პოლიციის და ა.შ) მიერ გაცემული ოფიციალური დოკუმენტი/დოკუმენტები სადაზღვევო შემთხვევის დადგომის, მიზეზებისა და გარემოებების შესახებ.

ბ) სადაზღვევო პოლისის და ხელშეკრულების ორიგინალი.

7.14. კონკრეტული გარემოებებიდან გამომდინარე, მზღვეველი უფლებამოსილია მოითხოვოს დამზღვევისაგან სადაზღვევო შემთხვევის დადგომის ფაქტთან დაკავშირებული სხვა დოკუმენტები.

7.15. სადაზღვევო პერიოდის განმავლობაში სადაზღვევო ანაზღაურების გადახდის შემდეგ სადაზღვევო თანხა მცირდება გადახდილი სადაზღვევო ანაზღაურების თანხის შესაბამისად.

7.16. ნებისმიერ შემთხვევაში, სადაზღვევო პერიოდის განმავლობაში მომხდარ ყველა სადაზღვევო შემთხვევაზე სადაზღვევო ანაზღაურება გაიცემა სადაზღვევო პოლისში დაფიქსირებული სადაზღვევო თანხის ფარგლებში.

7.17. სადაზღვევო ანაზღაურების გაცემის შემდეგ, მზღვეველის თანხმობის შემთხვევაში დამზღვევი უფლებამოსილია დამატებითი სადაზღვევო პრემიის (შესატანის) გადახდის საფუძველზე აღადგინოს საწყისი სადაზღვევო თანხა.

7.18. თუ სადაზღვევო ანაზღაურების გადახდის შემდეგ მოსარგებლეს დაუბრუნდა გატაცებული ქონება ან მიყენებული ზარალი აუნაზღაურდა ამ ზარალის მიყენებაზე პასუხისმგებელი პირის მიერ, დამზღვევი ვალდებულია უზრუნველყოს გაცემული სადაზღვევო ანაზღაურების დაბრუნება ან ქონების გადაცემა მზღვეველისათვის, ქონების შეკეთება/აღდგენაზე გაწეული ხარჯების გამოკლებით.

7.19. თუ სადაზღვევო შემთხვევის დადგომისას ქონება დაზღვეულია სხვა კომპანიაში პუნქტი 5.1.10-ის თანახმად, სადაზღვევო ანაზღაურება გაიცემა მოქმედი კანონმდებლობის შესაბამისად.

7.20. თუ შემთხვევის დადგომასთან დაკავშირებულ ფაქტებზე აღძრულია სისხლის სამართლის საქმე, მზღვეველი უფლებამოსილია გადადოს სადაზღვევო ანაზღაურების გაცემის თაობაზე გადაწყვეტილების მიღება სასამართლოს კანონიერ ძალაში შესული გადაწყვეტილების მიღებამდე.

7.21. სადაზღვევო ანაზღაურების გადახდა ხდება უნაღდო ანგარიშწორებით ან სხვა, კანონმდებლობით დაშვებული წესით, ურთიერთშეთანხმების საფუძველზე.

8. დაზღვევის ხელშეკრულება. ხელშეკრულების დადების წესი. ხელშეკრულების შეწყვეტა.

8.1. დაზღვევის ხელშეკრულება იდება საქართველოს კანონმდებლობის შესაბამისად.

დაზღვევის ხელშეკრულება წარმოადგენს შეთანხმებას დამზღვევსა და მზღვეველს შორის ქონების დაზღვევის შესახებ, რომლის თანახმადაც დამზღვევი ვალდებულია გადაიხადოს სადაზღვევო პრემია (შესატანი) ხელშეკრულებით გათვალისწინებულ ვადებში და ოდენობით, ხოლო მზღვეველი ვალდებულია გადაიხადოს სადაზღვევო ანაზღაურება წინამდებარე ხელშეკრულების შესაბამისად.

8.2. დაზღვევის ხელშეკრულების მზღვეველის მიერ გაიცემა სადაზღვევო პოლისი.

8.3. დაზღვევის ხელშეკრულების მოქმედების ვადა განისაზღვრება 12 თვით ან ხელშეკრულებაში მითითებული პერიოდით.

8.4. დაზღვევის ხელშეკრულება იდება დამზღვევის მიერ შევსებული განაცხადი-კითხვარის და/ან დამზღვევის წერილობითი განცხადების საფუძველზე. განაცხადი-კითხვარის (დანართი N1) ფორმა დადგენილია მზღვეველის მიერ. დაზღვევის ხელშეკრულების მხარეთა მიერ ხელმოწერის მომენტიდან დამზღვევის მიერ შევსებული განაცხადი-კითხვარი ხდება ხელშეკრულების განუყოფელი ნაწილი.

8.5. დაზღვევის ხელშეკრულების გაფორმებამდე დამზღვევი ვალდებულია შეატყობინოს მზღვეველს ყველა მისთვის ცნობილი არსებითი გარემოების შესახებ, რომელსაც მნიშვნელობა აქვს რისკის ხარისხის განსაზღვრისათვის. დამზღვევი ასევე ვალდებულია ზუსტად და უტყუარად უპასუხოს მზღვეველის მიერ მისთვის დასმულ ყველა დამატებით შეკითხვას, რომელიც ეხება რისკის ხარისხისა და მოცულობის განსაზღვრას.

თუ დაზღვევის ხელშეკრულების გაფორმების შემდეგ აღმოჩნდება, რომ დამზღვევმა მიაწოდა მზღვეველს მცდარი, არასრული, ყალბი ინფორმაცია ან დამალა ინფორმაცია, მზღვეველი უფლებამოსილია მოითხოვოს დაზღვევის ხელშეკრულების შეწყვეტა და გამოიყენოს მისთვის კანონმდებლობით მინიჭებული ყველა უფლება საპასუხო მოქმედების განსახორციელებლად.

8.7. დაზღვევა ძალაში შედის ხელშეკრულების დადების დღის 24.00 სთ-ზე.

8.8. დაზღვევის ხელშეკრულების მოქმედება წყდება ხელშეკრულებაში და/ან სადაზღვევო პოლისში ხელშეკრულების მოქმედების დამთავრების თარიღად განსაზღვრული დღის 24.00 საათზე.

8.9. ხელშეკრულების მოქმედების პერიოდში დამზღვევის მიერ სადაზღვევო პოლისის დაკარგვისას მზღვეველი გასცემს დუბლიკატს. დუბლიკატის გაცემის შემდეგ დაკარგული სადაზღვევო პოლისი ძალადაკარგულად ითვლება და მის საფუძველზე გადახდა არ განხორციელდება.

8.10. თუ არ ეწინააღმდეგება საქართველოს კანონმდებლობას, სადაზღვევო ხელშეკრულება შეიძლება შეიცავდეს დამატებით პირობებს, რომლებიც განისაზღვრება მხარეთა მიერ და დასტურდება ხელმოწერით.

8.11. სადაზღვევო ხელშეკრულება წყდება შემდეგ შემთხვევაში:

8.11.1. ხელშეკრულებაში მითითებული ვადის გასვლისას;

დამზღვევი:-----

8.11.2. მზღვეველის მიერ დამზღვევის წინაშე ხელშეკრულებით ნაკისრი ვალდებულებების სრულად შესრულებისას (სადაზღვევო ანაზღაურების სრულად გადახდისას);

8.11.3. დამზღვევის მიერ სადაზღვევო პრემიის (შესატანის) ხელშეკრულებით გათვალისწინებულ ვადაში გადაუხდელობის შემთხვევაში;

დამზღვევის სურვილით და მზღვეველის თანხმობით, სადაზღვევო პრემიის (შესატანის) დამატებით ვადაში გადახდის შემთხვევაში შესაძლებელია დაზღვევის ხელშეკრულების აღდგენა დაზღვევის ვადის გაგრძელების გარეშე. ხელშეკრულების ამ პირობით შეწყვეტიდან მისი მოქმედების ვადის აღდგენამდე გასულ პერიოდში მზღვეველი თავისუფალია თავისი ვალდებულებებისაგან.

8.11.4. მხარეთა ორმხრივი შეთანხმებით ნებისმიერ დროს;

8.11.5. თუ დაზღვეულმა ობიექტმა შეწყვიტა თავისი არსებობა სადაზღვევო შემთხვევისაგან განსხვავებული მიზეზით;

8.11.6. მხარის გარდაცვალების შემთხვევაში

8.11.7. ერთერთი მხარის მოთხოვნით.

დამზღვევის ინიციატივით ხელშეკრულების (ასევე მის საფუძველზე გაცემული სადაზღვევო პოლისის) შეწყვეტის შემთხვევაში იგი ვალდებულია, შეწყვეტის სავარაუდო თარიღამდე ერთი თვით ადრე წარუდგინოს წერილობითი განცხადება მზღვეველს, ხოლო სადაზღვევო პრემიის გადახდა მოხდება დაზღვევის ძალაში ყოფნის პროპორციულად, სადაც არასრული თვე ჩათვლება სრულად; დაზღვევის პროლონგაცია შესაძლებელია მხარეთა შეთანხმებით. მზღვეველი უფლებამოსილია უარი ეთქვას დაზღვევის პროლონგაციაზე (ვადის გაგრძელებაზე) ან შეცვალოს სადაზღვევო პრემია და პირობები შემდეგ შემთხვევებში:

ა) გასულ სადაზღვევო წელს ზარალიანობის მაღალი მაჩვენებელი;

ბ) რისკის გაზრდა;

გ) სადაზღვევო ბაზარზე ფასების ცვლილება.

8.12. სასამართლოს გადაწყვეტილებით ხელშეკრულების ძალადაკარგულად ცნობისას;

8.13. ნებისმიერ შემთხვევაში ერთერთი მხარის ინიციატივით ხელშეკრულების ვადაზე ადრე შეწყვეტა დაიშვება მეორე მხარისათვის წერილობითი შეტყობინების საფუძველზე, არანაკლებ 30 კალენდარული დღით ადრე.

8.14. ხელშეკრულების შეწყვეტისას მზღვეველის პასუხისმგებლობა წყდება იმ დღის 24.00 საათზე, რომელიც შეტყობინებაში მითითებულია, როგორც ხელშეკრულების მოქმედების შეწყვეტის თარიღი.

8.16. სადაზღვევო პრემიის (შესატანის) დაბრუნება არ ხდება იმ ხელშეკრულების ვადაზე ადრე შეწყვეტის შემთხვევაში, რომლის მიხედვითაც გადახდილია სადაზღვევო ანაზღაურება ნებისმიერი ოდენობით.

თუ დამზღვევი გამოთქვამს სადაზღვევო ხელშეკრულების შეწყვეტის სურვილს მას შემდეგ, რაც მზღვეველის მიერ გადახდილია სადაზღვევო ანაზღაურება ნებისმიერი მოცულობით და ამასთან, სადაზღვევო ხელშეკრულებით გათვალისწინებულია სადაზღვევო პრემიის მრავალჯერადად გადახდა, დამზღვევი ვალდებულია გადაიხადოს სადაზღვევო წლის შესაბამისი სადაზღვევო პრემია სრულად, რომლის უზრუნველსაყოფადაც მზღვეველი სადაზღვევო ანაზღაურებას განახორციელებს სადაზღვევო წლის შესაბამისი სადაზღვევო პრემიის სრულად გამოკლებით.

8.17. თუ ხელშეკრულების შეწყვეტა ხდება დამზღვევის ინიციატივით ვადაზე ადრე დამზღვევს ეკისრება გამომუშავებული პრემიისა და ჯარიმის სახით წლიური პრემიის ჯამური ოდენობის 10 %-ის გადახდის ვალდებულება.

9. მხარეთა უფლებამოსილება

9.1. მზღვეველი ვალდებულია:

9.1.1. გააცნოს და გადასცეს დამზღვევს სადაზღვევო პოლისი, დაზღვევის წესები, დაზღვევის ხელშეკრულება.

9.1.2. შეამციროს სადაზღვევო ტარიფი და შესაბამისად შეცვალოს სადაზღვევო ხელშეკრულება იმ შემთხვევაში თუ დამზღვევის მიერ გატარებულია ღონისძიებები, რომლებიც ამცირებს დაზღვეული რისკის ხარისხს და მოცულობას.

დაზღვეული ქონების ღირებულების გაზრდისას, დამზღვევის მოთხოვნით, დამატებითი სადაზღვევო პრემიის გადახდის საფუძველზე შეცვალოს დაზღვევის ხელშეკრულება; დამატებითი სადაზღვევო პრემია (შესატანი) გამოითვლება სადაზღვევო ხელშეკრულების მოქმედების დარჩენილი ვადის პროპორციულად. დამზღვევის მიერ დამატებითი სადაზღვევო პრემიის გადახდაზე უარის თქმის შემთხვევაში მზღვეველი უფლებამოსილია ცალმხრივად შეწყვიტოს სადაზღვევო ხელშეკრულება რისკის გაზრდის მომენტიდან, შეტყობინების ერთთვიანი ვადის დაცვის გარეშე.

მზღვეველი უფლებამოსილია გააფორმოს ზემოთაღნიშნული ცვლილება ხელშეკრულების დამატების საფუძველზე ან შეცვალოს მთლიანად ხელშეკრულება.

პირვანდელი სადაზღვევო ხელშეკრულება წყდება ახალი ხელშეკრულების ძალაში შესვლისთანავე.

9.1.3. სადაზღვევო შემთხვევის დადგომისას გადაუხადოს მოსარგებლეს სადაზღვევო ანაზღაურება წინამდებარე წესების შესაბამისად.

დამზღვევი:-----

9.1.4. არ გაახმაუროს მონაცემები დამზღვევის, მისი ქონებრივი და ფინანსური მდგომარეობის შესახებ, გარდა საქართველოს კანონმდებლობით გათვალისწინებული შემთხვევებისა.

9.1.5. დაიცვას წინამდებარე წესების, დაზღვევის ხელშეკრულების და საქართველოს კანონმდებლობის მოთხოვნები.

9.2. მზღვეველი უფლებამოსილია:

9.2.1. მოითხოვოს დამზღვევისაგან სრული და ამომწურავი ინფორმაცია დაზღვევის ობიექტის შესახებ.

9.2.2. სადაზღვევო ხელშეკრულების ხელმოწერამდე მოახდინოს დაზღვევის სავარაუდო ობიექტის დათვალიერება, შეამოწმოს მისი ტექნიკური მდგომარეობა (გამართულობას, მთლიანობას), დამზღვევის მიერ ქონების გაცხადებული და რეალური ღირებულების შესაბამისობა, სადაზღვევორის კუბის ხარისხი.

დათვალიერების შემდეგ მზღვეველი იღებს გადაწყვეტილებას რისკის აქცეპტირების შესახებ, შესაბამისად, განსაზღვრავს სადაზღვევო ტარიფს, დაზღვევის კონკრეტულ პირობებს.

9.2.3. მოითხოვოს სადაზღვევო შემთხვევის დადგომის ფაქტთან დაკავშირებული დოკუმენტაცია შესაბამისი კოპეტენტური ორგანოებიდან.

9.2.4. თავად გამოიკვილოს სადაზღვევო შემთხვევის დადგომის მიზეზები და გარემოებები.

9.2.5. სადაზღვევო ანაზღაურების გაცემის შემდეგ, მზღვეველი უფლებამოსილია მოსთხოვოს დამზღვევს სადაზღვევო ანაზღაურების ან მისი ნაწილის უკან დაბრუნება, თუ:

ა) გაირკვა, რომ ზარალის გამომწვევი მიზეზი იყო წინამდებარე წესებით გათვალისწინებული გამონაკლისებიდან ერთ-ერთი;

ბ) ზარალი ანაზღაურდება სადაზღვევო შემთხვევის გამომწვევი პირის მიერ;

გ) დამზღვევის და/ან სარგებელშემძენის მიზეზით ვერ მოხერხდება მზღვევის მიერ რეგრესის უფლების განხორციელება.

დ) გაირკვა, რომ მზღვეველთან წინასწარი შეთანხმების გარეშე, ქონება, რომელზეც გაცემულია სადაზღვევო ანაზღაურება დაზღვეულია სხვა კომპანიაშიც.

9.3. დამზღვევი უფლებამოსილია:

9.3.1. წინამდებარე წესების დაცვით წარუდგინოს მზღვეველს პრეტენზია (სარჩელი) და მოითხოვოს სადაზღვევო პოლისით გათვალისწინებული ზარალის ანაზღაურება.

9.3.2. სადაზღვევო ხელშეკრულების მოქმედების პერიოდში მზღვეველის წინასწარი ინფორმირების საფუძველზე, გადასცეს წინამდებარე წესებით გათვალისწინებული თავისი უფლებამოსილება მოსარგებლეს.

იმ შემთხვევაში, თუ დამზღვევი და მოსარგებლე სხვადასხვა პირები არიან, მოსარგებლე უფლებამოსილია:

9.3.3. სადაზღვევო პოლისის ორიგინალის წარმოდგენის საფუძველზე დამზღვევის თანხმობის გარეშე მიიღოს სადაზღვევო ანაზღაურება.

9.3.4. გადასცეს თავისი უფლებამოსილება სადაზღვევო ანაზღაურების მიღებაზე დამზღვევს;

9.4. დამზღვევი ვალდებულია:

9.4.1. სადაზღვევო ხელშეკრულების გაფორმებამდე მიაწოდოს მზღვეველს ზუსტი და ამომწურავი ინფორმაცია დასაზღვევი ობიექტის შესახებ. გააცნოს მზღვეველს ყველა მისთვის ცნობილი გარემოება, რომელთაც შეიძლება მნიშვნელობა ქონდეთ რისკის შეფასებისათვის, ასევე, ამ ქონებასთან დაკავშირებული ყველა დადებული ან დასადები ხელშეკრულება.

9.4.2. ხელშეკრულების მოქმედების პერიოდში 3 დღის ვადაში შეატყობინოს მზღვეველს ყველა იმ ცვლილების შესახებ, რომელიც ზრდის რისკის ხარისხს ან მოცულობას.

9.4.3. გადაიხადოს სადაზღვევო პრემია (შესატანი) წინამდებარე პირობებისა და სადაზღვევო პოლისის პირობების შესაბამისად.

9.4.3. მიიღოს ყველა აუცილებელი ზომა დაზღვეული ქონების განადგურების თავიდან ასაცილებლად და შესაძლო ზარალის შესამცირებლად.

9.4.4. სადაზღვევო შემთხვევის აღმოჩენისთანავე, ასევე სადაზღვევო შემთხვევის დადგომაში დამნაშავე პირების შესახებ ინფორმაციის ფლობისას დაუყოვნებლივ შეატყობინოს შესაბამის ორგანოებს (შსს, საპატრულო პოლიცია, სახანძროსამსახური და ა.შ.)

9.4.5. არაუგვიანეს სადაზღვევო შემთხვევის დადგომიდან 48 საათის განმავლობაში შეატყობინოს მზღვეველს მომხდარის შესახებ.

9.4.6. მიაწოდოს მზღვეველს წერილობითი განცხადება სადაზღვევო შემთხვევის დადგომის და სადაზღვევო ანაზღაურების მოთხოვნის შესახებ. განცხადებასთან ერთად, წარუდგინოს მზღვეველს ყველა აუცილებელი ოფიციალური დოკუმენტი სადაზღვევო შემთხვევის ფაქტის დადგომის, გამომწვევი მიზეზებისა და გარემოებების, ზარალის ოდენობის შესახებ, დაზიანებული ან განადგურებული/დაკარგული ნივთების/ობიექტების ნუსხა.

9.4.7. ხელი შეუწყოს მზღვეველს რეგრესის უფლების განხორციელებაში.

9.4.8. სადაზღვევო შემთხვევის დადგომის შემდეგ, მზღვეველის წარმომადგენლის მიერ დაზღვეული ობიექტის დათვალიერებამდე არ მოახდინოს დაზიანებული ობიექტის/ნივთების შეკეთება ან მათი გადაადგილება (თუ ეს გამოწვეული არ არის შემდგომი ზარალის თავიდან აცილების ან შემცირების აუცილებლობით).

დამზღვევი:-----

9.4.9. სადაზღვევო შემთხვევით გამოწვეული ზარალის ლიკვიდაციის და/ან ქონების აღდგენის შემთხვევაში შეატყობინოს და მისცეს უფლება მზღვეველს დაათვალიეროს ქონება. წინააღმდეგ შემთხვევაში, მზღვეველი არ იღებს პასუხისმგებლობას დაზღვეული ქონების განმეორებითი დაზიანებისათვის.

9.4.10. განახორციელოს საქართველოს კანონმდებლობით, ამ წესებით და დაზღვევის ხელშეკრულებით გათვალისწინებული სხვა ქმედებები.

9.5. წინამდებარე წესების 8.4. პუნქტში ჩამოთვლილი დამზღვევის ვალდებულებები თანაბარი ზომით ვრცელდება სარგებელშემძენზე. სარგებელშემძენის მიერ ამ ვალდებულებების შეუსრულებლობა/დარღვევა გამოიწვევს იგივე შედეგებს რაც გათვალისწინებულია დამზღვევის მიერ ნაკისრი ვალდებულებების შეუსრულებლობისათვის.

10. სუბროგაციის უფლება

10.1. ყველა უფლება დაზღვეულ ქონებაზე, რომელზედაც გადახდილია სადაზღვევო ანაზღაურება, გადადის მზღვეველზე.

სადაზღვევო შემთხვევის დადგომისას, მხარეთა შეთანხმებით, დამზღვევი/სარგებელშემძენი უფლებამოსილია უარი თქვას დაზღვეულ ქონებაზე სადაზღვევო პოლისით განსაზღვრული სადაზღვევო თანხის ფარგლებში ანაზღაურების მიღების სანაცვლოდ.

10.2. სადაზღვევო ანაზღაურების გადახდის შემდეგ მზღვეველის მიერ გაცემული თანხის ფარგლებში მასზე გადადის მოთხოვნის წაყენების უფლება, რომელიც აქვს დამზღვევის/მოსარგებლეს ზარალის მიყენებაზე პასუხისმგებელი პირის მიმართ.

დამზღვევი/მოსარგებლეს ვალდებულია გადასცეს მზღვეველს ყველა მტკიცებულება ან ინფორმაცია, რომელიც საჭიროა გადასული მოთხოვნის უფლების (რეგრესის) განსახორციელებლად.

იმ შემთხვევაში, თუ დამზღვევი/სარგებელშემძენი უარს აცხადებს სუბროგაციის უფლებაზე პასუხისმგებელი პირის მიმართ, მზღვეველი უფლებამოსილია უარი თქვას სადაზღვევო ანაზღაურების ან მისი შესაბამისი ნაწილის გადახდაზე. ხოლო თუ მზღვეველის მიერ სადაზღვევო ანაზღაურება უკვე გადახდილია, იგი უფლებამოსილია მოითხოვოს დამზღვევისაგან/მოსარგებლისაგან გადახდილი თანხის უკან დაბრუნება.

11. ფორს-მაჟორი

11.1. მხარეები თავისუფლდებიან წინამდებარე წესებით გათვალისწინებული ვალდებულებების (ინფორმაციის მიწოდების, სადაზღვევო შემთხვევის ექსპერტიზების, თანხების გადახდის ვადების შესახებ) შეუსრულებლობისას, თუ ეს გამოწვეულია ფორს-მაჟორული გარემოებებით, კერძოდ, სტიქიური უბედურებებით, სამხედრო, საომარი მოქმედებებით, სახელმწიფო ორგანოების აქტებით და/ან ქმედებებით, გაფიცვით, აჯანყებით, სამოქალაქო არეულობით, რაც შეუძლებელს ხდის მხარეთა მიერ ვალდებულებების შესრულებას.

11.2. ფორს-მაჟორული გარემოებების გამო ვალდებულებების შეუსრულებლობისას, მხარეები ვალდებული არიან შეატყობინონ ერთმანეთს ამის შესახებ შეძლებისდაგვარად მოკლე დროში.

11.3. მხარეთა მიერ ნაკისრი ვალდებულებების შესრულება გადაიდება ფორს-მაჟორული გარემოებების ლიკვიდაციამდე.

12. დასკვნითი დებულებები

12.1. წინამდებარე წესებით გათვალისწინებული ყველა შეტყობინება და თანხმობა მხარეთა მიერ ერთმანეთს მიეწოდება უფლებამოსილი პირების მიერ ხელმოწერილი წერილით, ფაქსით ან დაზღვეული ფოსტით. თუ ეს მიზანშეუწონლად დამაყოვნებელია, უფლებამოსილი პირებისათვის შესატყობინება ხდება ზეპირი ფორმით, შეძლებისდაგვარად მოკლე დროში წერილობითი დადასტურებით.

12.2. ბრალეულობის ფარგლებში, თითოეული მხარე ვალდებულია აუნაზღაუროს მეორე მხარეს მიყენებული ზარალი საქართველოს კანონმდებლობით დადგენილი წესით.

12.3. თითოეული მხარე პასუხისმგებელია მეორე მხარისათვის მიწოდებული ინფორმაციის (დოკუმენტაციის) სისწორეზე და ლეგალურობაზე. თუ ერთი მხარის მიერ მეორისთვის მიწოდებული ინფორმაცია ამგვარი არ აღმოჩნდა, ეს უპირობოდ ჩაითვლება მხარის მიერ შესაბამისი ვალდებულების დარღვევად და მეორე მხარეს წარმოეშვება უფლება არ შეასრულოს თავისი შესაგებელი ვალდებულება.